



安徽通志

ル 5
1575
83



凡品
1875
83

重修安徽通志卷二百五十三

人物志

義行七

甯國府

朱慶彩涇縣人里中蛟龍潭春夏水漲多溺人慶彩欲建石橋免病涉已鳩工庀材因疾不果臨終屬其子紹陳遂於乾隆丙申捐金一千八百兩成之又捐修郡學銀一千二百兩皆秉慶彩遺訓紹陳字義園族立義倉獨捐千金又購試寓於郡城處族子弟之應試者費二千金歲歉平糶者四又費二千餘金近里東西橋圯捐一千八百金修之

甯國府志
涇縣志

汪應珍涇縣人雍正二年孝廉方正嘗於新安遇遺金者情甚迫傾囊贈之又擬積貲為合邑鄉試卷費會卒其子孫遂以田

百五十畝呈公舉其事至今士人賴之涇縣志

王家棟涇縣人嘗捐千五百餘金修學以縣主簿議敘後官中

城兵馬司涇縣志

張雲字天章涇縣人歲歉捐資助賑嘗獨建宗祠寢室修建琴溪橋數次至修路給棺恤貧焚券義行甚多居平積金屬後裔為邑作一公事嘉慶十一年眾共建文昌宮其子姓光鶚猷熹蘭臺等遵其遺命捐貲數千金獨建後殿嘉慶二十四年

旌表建坊甯國府志

方廷裕旌德人嘗捐五百金建橋於祕溪要道歲歉出穀賑濟及助婚娶恤貧寒修改此義舉甚多甯國府志朱為顯旌德附貢嘗獨建香橋又捐一千六百元助修葺溪大河橋平居助婚喪育自高祖以下貧者計口授糧歲以

為常甯國府志

吳濟昌涇縣人嘗積貲以備水旱乾隆乙巳饑其子姓以所遺

五千六百元助賑涇縣志

翟鏡孫涇縣人嘗積貲以備水旱嘉慶甲戌歲歉子孫體其志以其遺金捐七百餘兩助賑涇縣志

吳百壘字經野涇縣貢生雍正乙卯饑與兄百垣合力捐賑乾隆辛未亦如之少與銅邑張某善張卒出金四百代償夙負攜其孫歸教育之嘗僑居濡須與龍鎮值大水骸骨漂流買地上元寺側檢葬千餘具土人號為白骨冢後復大水又檢埋六百具今繁邑三山江口有碑曰幽聚冢即其處嘉慶十七年

旌表建坊甯國府志 涇縣志

劉文炯旌德貢生嘗倡建義塾暨村口文昌閣各費千餘金雍

正庚戌乾隆己未歲饑買穀平糶不能糶者計口授糧共費二千餘金他如施祭施棺等事歲歲舉行甯國府志

胡學萬太平諸生父本啟捐金數千築石橋於楊村大河後為大水所決學萬捐貲重建規制加廣計費七千餘金名曰繼志

又建橋桃林構亭置田於長嶺歲施貧民棺槨甯國府志陳錡太平諸生有莊貯穀數百石鄰居失火莊獨無恙錡曰此天雷以賑諸災鄰也盡出按戶給之子有為文龍有繩克承父志修學宮祭器樂器輸銀三百兩以倡甯國府志

孫柯榮太平人歲饑嘗出粟千石以賑子鑽克承父志遇歲饑亦出穀千石助賑太平縣志

吳功字明試涇縣人布政司理問乾隆戊子己丑客繁昌值歲歉出金平糶全活甚眾田又饑平糶如前臨終以所餘金屬

子理問宗澤等遇歉歲仍捐輸嘉慶甲戌繁邑旱宗澤遵父遺言將所存銀一千一百一十兩盡行捐賑

恩賞紀錄二次村建廟宇首捐二百金為倡又捐田三十餘畝入郡

縣學甯國府志 涇縣志

翟時普字德臣涇縣人幼侍母疾衣不解帶割股以進得痊嘉慶庚申出千金助賑又置義田一百二十餘畝於宗祠前丙辰歲石埭水災漂尸無算雇船沿撈買棺瘞埋卒年八十三辛未其子姓遵遺命又置田四十三畝入宗祠嘉慶十九年

旌表建坊甯國府志

胡承端涇縣人家初貧端以服賈致裕財產悉均諸弟不自私嘗與族兄承銷承銓共建烏溪橋捐金置義倉助田入文會有負逋者以居宅償曰吾不忍也以券還之臨終手自塗券數千

金甯國府志

胡先淳涇縣人乾隆乙巳歲饑疫捐金三百置義冢買棺以瘞旅骨數十人義行甚多甯國府志

胡遠齡字永會涇縣人嘗客巴蜀過瞿塘峽猝遇大風覆舟無數急出己囊懸募救得生者十有六人餘得尸悉瘞之甯國府志

縣志

朱法字遵先涇縣貢生父必達多義舉法繼其志凡族黨大事如建本甲宗祠倡文會培風閣藏書十萬卷造東西兩橋立義濟倉皆身任之不辭勞瘁者四十餘年又嘗校刊其族祖前明歲貢朱一麟治痘全書十八卷有功於世甯國府志

涇縣志

胡先惠涇縣人乾隆乙巳歲歉出貲倡糶眾皆賴之戊申適蜀值荆州淪於水傾囊得千、百金僱舟救溺全活無算臨卒悉

以家產存公甯國府志

汪永淮涇縣貢生性孝友乙巳歲歉捐穀數百石以賑又首捐

五百金倡建岡橋修路二、餘里甯國府志

汪國佐南陵諸生嘗捐千餘金修邑碧溪橋鵝嶺橋澄清橋又

修學宮及奎閣義舉甚多甯國府志

葉時勉南陵人捐職州同乙巳饑同弟時省輸粟三百石以賑

又修學捐田並承先志甯國府志

汪應錦南陵諸生乾隆丁卯捐貲數千金築圩隄六百七十餘

丈以禦水患甯國府志

汪自新南陵貢生嘗在青陽銅陵及南陵境獨建橋七處共費

金九千四百兩有奇甯國府志

仙貽珍甯國諸生族中子弟無力從師者貽珍捐田八十畝助

補脩甯國府志

胡立庠甯國人有擔夫為溧陽某函寄百金中途失之窘迫投水賴同行者拯之立庠偶過詰其狀解囊如數與之甯國府志

方璧旌德人庠生事繼母孝友於兄弟嘗出金三百助建宗祠又偕弟祿各捐金七百造涇縣麻源橋乾隆丁巳冬代貧民贖棉衣絮被於質庫聽自領歸祿亦出金助贖所費不貲又捐一千三百金修學宮祿子然亦遵父志獨建崇聖祠及魁樓甯國府志

趙希文字季重涇縣人乾隆丙辰舉人壬申修邑志時多浮語以身任之遂得竣水西書院廢圯與從兄際飛偕左天聰趙功懋沈輪等竭力興復講堂廡廡畢新每遇歲歉按族之貧者計口授糧子琛庚午舉人知水滄縣以母老移疾歸克承厥志歲施棉衣數百領又捐金數百獨修崇聖祠涇縣志

左天聰涇縣貢生孝事繼母兄弟同居無閒言宗祠燬於火捐

金倡建支祠他如修城池建太學館修琴溪橋並捐貲以助兼

董其成而改建水西書院不辭勞怨尤人所難甯國府志

趙一廷涇縣貢生幼貧甚後以服賈致裕獨力捐三千金重建

尊經閣又與族叔際飛復古煙雨亭舊蹟又重建迎春亭為祀

農勸耕之所義舉甚眾涇縣志

崔上眷太平諸生嘗承其父英志獨建邑洗腳嶺石橋又嶺東

湖石橋圯與叔啟後捐貲重建又與啟後及族叔國光共建大

成橋族有義倉經營數十年歲費若干而儲積增倍邑中每有

義舉必以身先嘉慶十五年

旌表建坊太平縣志

崔國光太平貢生洪潭河口橋圯捐金三千二百偕族啟後上

重修安徽通志

卷三百五

人物志

義行

五

甯國府

眷共建名之曰大成歲歉減價平糶惠普鄉鄰啟後出金如國光之數又與上眷造湖深潭橋共費六千餘金後為蛟水所圯子可達與上眷子于儀復修之甯國府志 太平縣志

崔煥斗太平諸生邑巖前司山徑險仄煥斗矢願修平工興而卒子光國光宗光祖統費萬金成之路隔一河復購石造橋名

曰志成言承父志也同族崔壽齡亦捐金修邑西密崖路開山

鑿石闢險成夷又於黃榜下首創石橋頌聲噪遠邇太平縣志

焦灼太平人捐職州同嘗出數千金建後溪有成橋又助建環

秀橋歲饑賑貸無吝太平縣志

周建勳太平庠生母卒廬墓嘗捐置義田百餘畝以贍族又鑿

石築隄通溪水入河舟行稱便甯國府志

馬元龍字義圖涇縣貢生弟早卒子日恆方週歲撫之過於所

生乾隆甲午獨建縣試考統費萬金有奇乙巳歲歉捐金六

百助賑嘉慶甲戌捐金助賑如之吏部侍郎王引之為銘其墓

涇縣志

汪連涇縣人與弟廩貢珊及弟瑚共捐千餘金置縣公署於府

城凡縣令教職至府辦公得所安處乾隆乙巳歲歉輸金五百

賑濟鄉人甯國府志

朱安翦涇縣人乾隆戊申荆州萬城隄潰時適客楚與同人募

舟救活數千人又倡首勸捐捨棺瘞死煮粥救生復建義濟堂

以垂永久事載江陵縣志甯國府志

馬元勝涇縣人嘗建琴溪橋獨修學宮大成殿至今子孫世葺

其費不貲甯國府志

朱苞涇縣人與弟蓀俱州同知性孝友同心無間父安潤多義

行歲除散穀施金苞菽遵行數十年族起義倉苞獨捐二千金
為倡族議設實善堂義貯兄弟共捐銀三千三百兩修琴溪橋
又捐銀二千兩乾隆乙巳旱癸丑水賑貧周急所全無算苞性
喜靜菴獨持家政嘗造高村龍潭湖陂諸橋修茹麻嶺江子山
路數十里築湖陂壩以資灌溉皆躬自經營不避寒暑晚述苞
遺命以余村街田一百二十四畝入郡敬亭書院謝村田八十
餘畝入縣雲龍書院為諸生膏火邑建文昌宮其子姓復捐五
百金以襄盛舉嘉慶十五年

旌表合建兄弟樂善好施坊

甯國府志 涇縣志

貢時奏宣城人乾隆丙子建平饑時奏過其邑之蘆村突無煙
者幾二十里亟歸載穀三百餘石往集耆老按戶給之村民賴
以全活

甯國府志

丁大成宣城諸生乾隆甲申倡修府學捐金五百又邑修縣學
獨任鄉賢名宦諸祠戊申復修縣學置歲修市房若干閒又捐
金五百為敬亭書院膏火他如修家廟置祀田賑貧平糶助葬
掩骸善行無虛日家至中落不悔

甯國府志

鍾懷珠宣城貢生乾隆壬申丙子閒歲比不登懷珠倡捐平糶

甯國府志

里人賴以存活其貧不能糶者按戶分給務得實惠

翟思珠涇縣人乾隆戊子己丑饑捐金數千平糶賈於灣沚鎮

涇縣志

施構又費千金子永鏞曾署均州知州次子鍾歷署邛州吏目

曾啟佐宣城人嘗與公田百二十畝贍同祖之貧者常自恨其

甯國府志

力不能廣之一族云

西北孔道崎嶇截案捐五百金鑿石登之並置亭以便行旅甯國志

張以寅宣城人父性卞急患癱瘓左右扶持不當意則跪而受

杖乙巳大旱出穀三百石以賑又嘗捐田八十畝於宗祠以資

時祭甯國志

查世熾涇縣人嘗輸田入祠為祭費歲歛必捐重貲倡賑兄患

風疾扶掖起居六載不懈其篤於友愛有過人者甯國志

陳可勳南陵人祖友暄倡建崇聖祠一邑稱其義可勳踵而修

之至若修城垣埋齒骼輸粟饋藥捐田積穀以培宗支至老不

倦甯國志

葉大芳南陵人乾隆乙巳旱捐穀五百餘石以濟族鄰子廷選

遵遺命捐田入春穀書院以資膏火甯國志

章鎮邦涇縣庠生嘗捐數百金獨修儒學門乙巳旱輸穀數百

石散給族黨甯國志

焦吉鞞太平人繼母歿廬墓三年性好施喜修路以便行人其

孫良宦繼之乾隆乙巳貿易當塗捐重貲買米助賑議敘得獎

甯國志

江永旌德貢生嘗置義田以贍宗族建茶亭以利行人費金五

千有奇議敘主簿同邑王良畿乾隆乙巳旱捐金五百助賑又

諸生江瑞霖貲不豐首輸一千五百兩助賑眾賴以濟甯國志

旌德志

汪志元旌德貢生乾隆乙巳旱捐金數百兩助賑又嘗捐金生

息為士子應試資斧嘉慶十六年

旌

表建坊甯國志

甯國志

人物志

義行

甯國府

方達旌德貢生嘗遊吳門月夜坐舟中見有投繯枯樹者亟登岸救之詢知為負逋不能償即解囊贈之又嘗有客寄百二十金後聞其死攜金還其家旌德縣志

姚鳳岐旌德貢生性好施凡道路崎嶇橋梁傾圯捐資修治動費數千金甯國府志

朱化鵬旌德廩生郡邑有大工作捐金輒千百計其尤著者修城議敘授八品頂戴弟羽鴻貢生亦以修城授八品頂戴甯國府志

汪篤周旌德貢生嘗買田儲穀備荒以敦族誼又建義塾置田六十畝備膏火甯國府志

王時紀太平人有莊田在皖江歲饑發穀數千石以賑土人立石頌德太平縣志

程國聘字應之太平人兄亡撫姪如子與京口王生善生以忤

勢要下獄國聘千里往省之主其家營救甚力王生乃免江南通志

王致和太平庠生年十歲父疾曉夜禱神得痊及卒廬墓邑修學宮輸金庀材如治家事族人被火災致和給其食并奠其居如未嘗災者甯國府志

江雍旌德貢生歲歉平糶捐銀二千四百七十兩又嘗置義冢費一千二百有奇旌德縣志

崔士瑩太平貢生性孝友與兄士望互讓田宅歲饑煮粥以賑嘗捐貲倡修宗祠復命子學彤助田百畝以供祭祀贍宗族甯國府志

孫志太平人勇於為善如修橋梁建書院助婚喪捐金動以千百計甯國府志

崔虞臣太平諸生嘗獨建村首石橋又捐田入宗祠倡置義倉

子繼序獨建河西隄一百三十丈費三千四百金有奇為利甚

薄甯國府志

黃光健太平庠生修學宮建書院不惜千金為倡乾隆辛未丁

丑歲歉出米數百石以贍族里甯國府志

崔國裕太平諸生邑東仰山為往來要津建木橋五十餘丈且

捐田為歲修計城東建麟鳳橋亦助數千金歲歉捐米二百石

助賑甯國府志

崔洪學太平諸生倡建宗祠置田贍族歲歉捐賑造亭修路約

費數千金嘗欲建石村河橋未果而卒其子鳴夏率弟四人繼

成之費金萬二千有奇甯國府志

劉士文太平人捐職州同五世同爨乾隆乙巳早捐貲平糶費

八百金有奇甯國府志

程德惠太平諸生事親孝撫姪如子嘗獨修箬嶺石路費千金

行人稱便甯國府志

趙應芳涇縣諸生邑有義舉必捐金以助嘉慶甲戌其子孫承

其志捐金五百助賑涇縣志

潘我生涇縣庠生嘗捐貲獨造彩虹橋并修路數十里歲饑買

米以賑共用銀一千九百有餘涇縣志

吳壽昌涇縣舉人由中書官靈壁訓導嘉慶戊寅舒城水捐銀

二千餘為築隄禦之明年復決又捐千金修之壽昌親見七代

五世同堂其父善政其子金紳亦五世同堂涇縣志

翟雲涇縣庠生早卒其妻劉氏守志躬紡績積貲千金體夫志

捐入宗祠為士子應試費涇縣志

洪吉寶涇縣人捐金七百兩助建里中成志橋又捐金助義學

義倉至恒貧掩骼修路義行甚多涇縣志

胡大佳涇縣人好施早世其子世英孫斗元等克承其志捐千數百金修琴溪橋者再乾隆乙巳又捐金五百以給里黨皆承

大佳之志也甯國府志

朱必務涇縣鄉飲賓嘗建義冢於白塔山掩埋枯骨又捐千金於黃金塔建橋以便行旅土人名曰紫陽橋他如代人完逋全人夫婦義行甚多弟必勝好義如其兄助人喪葬為人贖子全其骨肉子蔚芳亦能承志凡有義舉竭力捐輸涇縣志

朱璽涇縣貢生嘗捐二千五百餘金獨建合邑義學卒年八十

六涇縣志

朱慶霞涇縣諸生家不豐而好義里中建義倉罄所藏捐千金以襄盛舉涇縣志

朱忻涇縣人捐職州同嘗建義塾延師教族中貧子弟費數千

金疾亟聞里建義倉遺命捐三百金為助同族朱蕙孝事繼母

撫姪如子病亟遺命捐金一千有奇入義倉以儲公用涇縣志

沈大中宣城人孝事祖父母及孀母嘗捐金倡建城南綠錦橋

乙巳旱出積粟以賑不足賣田四十餘畝以繼之後又買祀田

百畝建義學置義冢助婚娶焚逋券義不勝舉宣城縣志

張思燦宣城人淫雨潰圩竭家貲以賑且勸募有力者捐輸全

活甚眾每遇歲饑糴米數百石散給廣施藥餌備棺瘞骸施衣

禦寒義舉甚眾宣城縣志

翟思瓊涇縣人乙巳旱捐金五百助賑臨終屬其三子永銓永

鈴永鈔以急公尚義三子克承厥訓凡歲歉助賑置田入族立

義倉起義冢造義渡興文會助膏火共費不下萬餘金涇縣志

翟永課涇縣諸生嘗捐千餘金修路造渡復以千數百金置市房收租為補造之費行旅便之涇縣志

翟思曇涇縣人嘗捐五百金置市房為家祠祭費其子又捐五百金置市房以增入之涇縣志

張希仁宣城人嘗拾童運循錢票百千訪童還之童知其貧分以謝不受甯國府志

洪天元甯國人孝事父母嘗過五里亭拾遺金三百兩守其人還之不受謝甯國縣志

朱杞甯國職員嘗拾遺金六百兩亟訪其主則宣城諸生徐選所遺盡舉以還封識宛然同邑楊光炎亦以還遺金聞甯國縣志

鮑泰相甯國人嘗往和州市米遇赴水者救之詢為失金故即如其數與之甯國府志

郭珊宗旌德人嘗拾遺金守而還之甯國縣志

孫望春太平人嘗拾遺金五十兩守而還之年登百歲子長生年亦九十九同邑崔學健張尙崔成梁葉德振趙敘皆以還遺金聞甯國府志

吳宗澤涇縣人捐職理問村建文昌宮關聖殿首捐金一千五百為倡又捐田三十餘畝入郡縣學繁昌水災適過其地捐二百數十金以賑涇縣志

施澤宏宣城庠生性孝父建宗祠未就澤宏竭力成之邑學宮久圯澤宏於乾隆五十三年捐貲倡建堂廡一新又蓄餘資為歲修計邑士賴之宣城縣志

陳光迴涇縣庠生嘗捐田三十餘畝入族義倉孫曾體其遺意又捐金四百人之嘉慶甲戌又輸銀五百以賑同族貢生陳際

又捐金四百人之嘉慶甲戌又輸銀五百以賑同族貢生陳際

又捐金四百人之嘉慶甲戌又輸銀五百以賑同族貢生陳際

又捐金四百人之嘉慶甲戌又輸銀五百以賑同族貢生陳際

雲嘗捐五百餘金修路捐田十畝入縣學每歲歉必輸賑子景
良於嘉慶甲戌捐千金濟族得議敘又置田八十畝有奇為族
士應試會文之費涇縣志

胡超芳涇縣諸生嘉慶七年與弟起芳捐千餘金建府學崇聖

祠甯國府志

吳山涇縣人嘗捐金二千五百修郡敬亭書院又捐金一千二

百建承志橋涇縣志

朱慶洙涇縣人嘗獨建族中義學共費三千餘金又以千金為

會文費又助修大通廣濟橋眾咸義之涇縣志

查玉衡涇縣人歲歉助賑前後輸數千金族數百家負太邑課

千金代為完納又以千金為族士子膏火合族德之涇縣志

唐廷楷涇縣諸生每遇歲歉前後捐金一千五百餘兩又嘗在

臨湖倡置義冢收瘞白骨涇縣志

戴獻南陵諸生家不豐而好施歲寒給棉饑則賙粟兩完貧娶

一曠鬻妻又勅置義田以興家塾同族戴期達收育遺孤者四

瘞貧喪者七周急焚券又遺命其子以田捐入書院又貢生戴

大案捐穀濟貧增置義田一族賴之又捐田為書院膏火皆好

義之士也南陵縣志

翟夢綬涇縣人嘗輸田三百畝入宗祠從姪槐館選時多得其

資助既卒其繼妻王氏又以田四十八畝入祠以終夫志涇縣志

陳振聲涇縣人候選從九嘉慶十九年捐金五百助賑同族陳

文炳嘗置義田三十餘畝以備水旱族建支祠首輸千金為倡

涇縣志

翟惟寅涇縣諸生與弟貢生惟清理問惟新並好義樂施嘗捐

金三千首建族中義倉置田二百八十一畝以備水旱惟清先
卒子諸生佩蘭承父志一切義舉悉從諸父共襄厥事嘉慶二
十一年

旌表建坊 涇縣志

杜善西太平人嘉慶二十二年修理學宮同王紹祖各捐五百
金 太平縣志 新增

左廷傑涇縣人嘗以歲歉樂輸議敘建學宮前石欄修文昌祠
助修橋路歲培義冢嘉慶二十三年

旌表建坊 甯國府志 涇縣志

沈大炳涇縣人捐職理問父廷雄以好義聞大炳克承先志嘉
慶甲戌早捐銀一千二百兩助賑又修橋造路慷慨樂施二十
年

恩賞樂善好施扁額紀錄二次 涇縣志

趙廷琇涇縣貢生乾隆乙巳早捐貲助賑又捐金五百修通濟
橋又以金五百建支祠興文會臨終屬子良泉力行善事泉遵
遺命遂於嘉慶甲戌捐五百四十金助賑又捐金五百助建武
廟工久未成遂捐金三千四百有奇獨建後殿道光三年

旌表建坊 涇縣志

趙世榮涇縣諸生孜孜為善恆苦不足縣東北橋梁久圯命其
子國棟捐三千餘金重修又命捐千餘金倡修武廟嘉慶二十
五年

旌表建坊 涇縣志

吳廷珊涇縣貢生乾隆乙巳嘉慶甲戌屢捐千金助賑道光癸
未水災於無為宣城蕪湖等處散給五千餘金全活無算道光

五年

旌表建坊 涇縣志

朱琛涇縣人與弟瑄俱理問並孝友好義出嗣弟琦官京師歲有所資使不乏且經紀其家俾無內顧從兄理知衢州時琛在署佐治有方內外弊絕後貿於嘉定捐重資為地方興復育嬰堂婦嬰俱得實惠凡一切義事瑄皆同之 涇縣志

何鴻梅南陵人捐職同知孝友樂施嘗修橫山道路行者便之嘉慶十九年早捐銀五千餘兩助賑全活無算議敘運同銜 南陵志

何鴻霖南陵人捐職州同事母以孝聞人以急告必周恤之歲施藥物全活甚眾嘉慶十九年早助賑銀二千有餘議敘通判 南陵志

銜 南陵志

胡有遐南陵人事母孝嘗為從兄完娶為從嫂立嗣養贍以完其節又獨力建延壽橋造義渡立義祠創文會捐貲救荒費逾

萬金家落不悔 南陵志

王文粹南陵歲貢任含山訓導父元趙監生敦善施惠必求實

濟文粹性孝友遵父母遺命捐田一百二十五畝為族義田又

捐八十餘畝入書院歲饑疫助賑施棺費數千金眾欽其義父

子均蒙奏請得建樂善好施坊 南陵縣志 子作霖附貢孫廷弼

州同銜於嘉慶道光間亦疊捐銀錢助賑 南陵縣志 新增

紀可傳南陵貢生幼喪母事繼母如生母與異母弟同居五十

餘年不析爨遇鬻妻者給金全之建橋梁施棺木歲饑助賑始

終不倦 南陵縣志

劉希柔南陵人歲荒為粥於路以食餓者嘗拾遺金冒雨久立

重刊安海通志卷之三十三
三
候其人還之

南陵縣志

左瑜涇縣人曾官江川河陽二縣知縣告歸捐田四十餘畝市房二所入公振興文會為歲科鄉會試費嘉慶甲戌歲歉捐千二百金助賑

涇縣志

馬日恆涇縣庠生嘗出資全人夫婦者數家甲戌歲歉捐金三百餘助賑又修橋砌路動費數百金不吝

涇縣志

朱安松涇縣人嘗捐金三百入族義倉又置義冢與文會助試費動費數百金

涇縣志

吳學道涇縣人官都察院都事嘉慶甲戌客無為州歲歉捐重資助賑得議敘紀錄二次居家孜孜為善義行甚多

涇縣志

張中泰涇縣人與弟中和俱諸生孝友好施同心無閒族建宗祠支祠兄弟首捐六百元為倡乙巳歲歉捐千金買米以賑貧

乏又嘗捐八百餘金造凌雲書屋訓族子弟貿易餘千縣遇歲

歉雖客居亦捐金三百餘助賑其他如造渡周急義舉不可勝紀初兄鐙早卒姪僅五齡中泰中和撫之成立事嫂尤謹家無

私財尤為人所難能

涇縣志

張元音太平增生性孝友好施父母早卒事祖父母極孝人稱順孫邑修學宮捐金八百為倡獨力建宗祠兩廊又捐金造

仰山橋捐千金修邑東門路其歲歉助賑完族婚娶代償逋賦事不勝紀同邑士庶為請祀孝義祠

太平縣志

張鑑宣城人嘗倡築方山保定圩一方戴德又建造宗祠賑給饑饉修橋砌路義行甚多

宣城縣志

張薰宣城人道光三年大水圩潰捐金一千二百有奇助賑又買米散給本族平生孝事二親友愛兄弟復古渡建茶亭施藥

給棉修橋砌路義行甚多

宣城縣呈冊

按宣城移來縣冊於道光三年水災開列輸賑八十餘人多千金數百金者洵屬好義但以不分生卒不便立傳又其間似多客寓不盡土著亦難覈載姑以俟續修者

盛士祺南陵諸生母歿三年不入私室嘗養贍從嫂又為從姪完娶嘉慶庚午大水圩將潰祺備椿木督眾力救得完甲戌旱捐貲賑粥凡邑有公事竭力襄助兼總出納闔邑欽其廉介

縣志

汪庭有太平人知府銜母病疽親吮膿血為孤姪完娶凡三人嘗捐金二千修學宮建義學造邑樂成橋費至鉅萬又砌路建亭捐田施茶者數處約費二千金有奇貿易漢陽置義冢施棺木又於本邑置義冢數處歲歉賑濟建義倉興文會義行甚多

太平縣呈冊舊志

道光二十年

旌建築善好施坊

太平縣志新冊增以上舊志

重修安徽通志卷二百五十四

人物志

義行

甯國府

王中孚南陵監生家僅中人乾隆十六年助賑米二百石南陵縣志

新修以下

王賜烜字燦乙南陵舉人母病侍湯藥三年析產聽弟自取乾

隆中邑有卒於官者無殯斂資賜烜贖之不告姓名南陵縣志

周啟楠甯國諸生乾隆時同學陶國榮遭陷下獄啟楠使諸弟

卹其家已擔負從國榮至省卒白其冤甯國縣志

鄭宗傑太平貢生輸萬金創建宗祠邑建學宮書院出入百金

乾隆時在吳縣置義地殯房輸五千金嘉慶道光間輸八百金

重修安徽通志

卷二百五十四

人物志

義行

甯國府

助賑 太平縣志

張謩字廷魚南陵優貢置義田周給親族嘉慶元年舉孝廉方

正 南陵縣志

朱華宗朱名芳劉步雲俱南陵監生嘉慶十九年各捐銀米助

賑 南陵縣志

王大經太平監生少貧擔油筐中得金釵亟返迹之失釵女泣

河畔將投水還之乃定晚年家漸裕命子輸千金修學宮 太平縣志

杜殿臣太平監生嘉慶甲戌歲祲捐五百金平糶道光中代完

通賦調族人置祀田焚借券五千餘金 太平縣志

王令旭太平貢生嘉慶中捐五百金賑饑道光中捐六百金賑

族造家祠輸三千金建學宮捐銀二百五十兩修橋砌街闢徑

平路興文會助婚喪焚借券 太平縣志

杜惟賢太平監生歲歉運米平糶邑修學宮造義興橋黃田渡
皆捐資又置田興族文會捐助大通鎮同仁救生兩局道光九
年

旌表建坊 太平縣志

周斧文太平監生事父孝兄弟無私財嘉慶癸酉旱捐數百金
贍族 太平縣志

徐兆蘭字退菴宣城庠生議敘鹽知事整理蠶宮文星閣捐貲
育嬰堂道光癸未歲祲輸千金助賑又督修惠濟橋及他祠墓
助祀田卹族鄰不可勝紀 宣城縣志

陶宏樸字愚齋南陵人慈惠好施無倦色力不給則稱貸以與
之病革遺命鬻田宅以償所負而盡焚負己之券 梅曾亮文集

凌夢蘭字甸芳宣城貢生道光閒兩次水災捐金助賑建修橋

直隸安微通志 卷之二十三
梁寺觀皆力肩其任

宣城縣志

鍾貴林字次珍宣城監生道光癸未災捐貲助賑倡修城垣己酉災復捐助之同族在水陽者二百餘戶悉按丁給送稻穀

縣志

孫貴勳字馨一宣城歲貢道光癸未水雇舟救人購穀千餘石賑族復於郡城倡捐散賑設粥廠施棺木己酉災賑濟亦如之

宣城縣志

陳玉梁宣城人道光癸未捐資助賑并捐修上興寶圩同縣李守根陳常並於戊申己酉年濟荒周急以義行聞

宣城縣志

張守材涇縣人舍藥施棺三十餘年修路調貧掩骼累費千金道光閒疊捐米千三百餘石賑荒軍興助餉祖祠助費增義渡橋梁並助田畝作歲修費

涇縣志

丁時可丁嘉藻俱涇縣人道光閒各賑穀百石又丁時介丁嘉福兩次捐穀賑荒丁永博余明璇王珍王瑞龍各三次丁廷秀張承清各九次丁廷元丁仙洲馬務本各數次張承清又有造橋修城募勇諸義行

涇縣志

鄭尙忠涇縣監生同弟庠生尙祿監生尙祺每歲暮周卹親族里人貧窮者給錢米道光己酉水災捐金五百賑濟咸豐初倡捐練費三千餘金丙辰冬散穀百石

涇縣志

朱安廣涇縣監生捐田十八畝於義生堂濟族中孤寡捐銀百五十兩於宗祠文會捐錢千緡於環山義學他如修城池建書院俱捐助子訓詳創建節孝祠

涇縣志

左光裕涇縣人道光己酉水災備舟楫糗糧全活甚眾捐貲修水西書院粵匪告警散粟集子弟七百餘人令子錦隆添沛率

之所向皆捷累助營餉二千餘金貢生董志奇監生左承祖左

涇縣志

文僖均於道光閒賑荒周副族鄰

汪宏清涇縣人道光閒捐助義倉穀數百石修學宮銀千兩歲

涇縣志

歉捐米平糶

查承注涇縣人道光閒海疆警承注在句容張家甸倡興團練

涇縣志

捐金二千

王枝芳涇縣諸生道光癸未癸巳邑災周副族黨次子時珍捐

修學宮己酉水輸穀三百六十石賑族孫國鈞迪吉咸豐閒捐

涇縣志

練餉二千三百金

潘景彭涇縣人道光初客灣泚水災與潘周達潘周雲倡賑難

涇縣志

民數萬三月之久全活實眾

潘行素涇縣監生道光戊申己酉水災捐金六百助賑後復捐

城工練費千一百金

涇縣志

朱份涇縣廩貢道光中選江蘇宜興教諭捐俸修學宮同籍後

築本村隄壩修高村橋義舉甚多

涇縣志

朱錦樹涇縣監生道光閒水荒出粟貸人不足繼以金累五千

兩悉焚其券

涇縣志

丁崇實涇縣人道光閒水災賑穀三百六十石咸豐閒殉難

涇縣志

曹士林涇縣人編修銜與族弟仁秀出米共賑水荒又貢生曹

汝文監生曹仁念並節次賑荒捐餉銀軍米

涇縣志

朱則璋旌德人道光中獨造考棚費萬五千餘金復置田為歲

修費子德芹季方添建鐘鼓樓

旌德縣志

朱則鴻旌德人布經歷銜道光閒在揚州捐賑千餘金本邑修

黃冲路紫陽橋置義冢五埋骨無算輸祀田施棺茶藥不倦旌德志

旌德志

方光廟旌德附貢道光初獨建文武聖閣造永興橋設茶亭共費四千餘金子家杭倡捐百金修橫山路造屋柱橋修楓橋下中壩復費二百金焚借券多紙旌德縣志

呂偉山字松坡旌德附貢浙江鹽經歷道光己酉賑水災有惠聲修橋補路施衣放生禮助士林鄉評尤洽旌德縣志

呂祥姚呂裕成俱旌德人貿易六安歲饑捐賑在本邑置義冢合葬浮櫬七百餘具旌德縣志

呂烈菊旌德人州同銜貿易六安歲祲獨賑一月在本邑疊捐平糶八百金又創立鋒裕承裕各文會旌德縣志

呂雲旌德人理問銜疊捐平糶五百金置文會田為族人讀書

應試之費旌德縣志

呂億旌德人生母家貧助田二十畝修水口橋富林干路又助修城工資旌德縣志

呂朝言旌德人嘗費千金置義冢瘞暴骨三百餘具旌德縣志

劉校章旌德人州同銜道光季年在灣沚助賑五百金輸祀田置義冢旌德縣志

崔堯章太平監生精醫施藥六十餘年倡修譚家普仁二橋黃毫鐵甲二都各路道光三年水災掩暴骨散穀施粥太平縣志

項鳳祥太平監生買荆宜閒道光三年川水災僱船撈埋浮屍捐設粥廠八所經理五月全活流民萬餘太平縣志

盛英太平貢生道光三年灣沚多鬻妻者英贈資完聚數十家太平縣志

崔國勳太平監生鄉里有訟嘗出數百金和解道光閒歲饑散穀百餘石子有淡亦嘗助修迪光橋捐百金入蕪湖救生局

太平縣志

崔應昌太平監生歲歉施賑育嬰救生歷修橋梁道路費二千

餘金同族崔齡椿同弟文光文彬捐錢千緡置青山義冢瘞暴

骨數千具又捐粟千斛救饑應昌樂助之

太平縣志

崔華慶太平人道光辛丑同弟華實華焜在灣沚鎮捐埋暴骨

千餘癸未復集捐資在青山瘞暴骨三千餘具

太平縣志

崔繼序太平人築河西埠費數千金田墓皆保行人稱便子庠

生永清踵修之

太平縣志

崔世德太平人同弟世應捐金數千建黃榜嶺石橋又建小河

口黃田鋪各橋修平箬嶺鐵甲嶺路代貧戶完糧買穀減糶散

米施構建支祠出多金晚年析產兄弟交讓

太平縣志

孫元旦太平人州同銜道光時捐二千金造宗祠培義學有章

姓以積累鬻婦代償完聚

太平縣志

周人俊太平庠生事母孝撫姪成立道光己亥水民居漂沒俊

率家丁僱工沿河撈救全活多人

太平縣志

李邦秀太平武生道光中倡建宗祠修譜捐一千二百金又費

四百金築村橋及瘞埋枯骨

太平縣志

張應綸太平增生官陝西耀州知州有治行同籍後經理義學

修城南仰山橋

太平縣志

胡錦華太平人候選知州道光辛丑賑米三百石修試院造橋

路妻孫氏賢成豐乙卯助軍需二千金

太平縣志

徐英字巨英宣城監生再從叔母養居子幼英供養如母為弟

成室并析以產筮岳壩蛟水冲缺傾囊倡修恃為保障二十餘

年宣城縣志

徐景晁字慎甫宣城歲貢精醫施藥不受一錢鬻田四百餘畝以廣其術同邑季紹德字心田增生黃溥字問渠亦精醫施藥

宣城縣志

孫逢源字惠風宣城監生兩次出金完人夫婦宣城縣志

胡凱字繼儒宣城監生減價糶穀以賙鄰里至稱貸以施而鬻田以償臨歿焚借券千餘金同縣增生徐大本亦有焚券事宣城縣志

宣城縣志

方德福字蔭田宣城監生修東溪大橋捐資督役歲殿輸銀賑饑創家祠修譜牒皆獨任之宣城縣志

朱耕山涇縣人族重建環山義學捐八百金又賑荒修路掩骼

涇縣志

朱暄字秋舫涇縣人六代未嘗析產修馬渡橋驛道建族中節孝祠倡造義倉義學義冢費四千金水災捐穀五百石助賑又買田增致遠堂濟貧之費先後散萬金以上涇縣志

俞賢位涇縣人業農積銀百餘兩盡助宗祠涇縣志

吳守興涇縣人捐六白金創建義倉捐千金倡立義學涇縣志

吳時中涇縣人每年終出錢百緡濟貧散棉衣數百件又吳道中吳秉中均有賑荒埋胔事涇縣志

胡承補涇縣人捐千二百金立勵善堂歲給族中無告者子先稱增捐田畝市房又捐山田為族葬地涇縣志

胡光燮涇縣庠生歲歉有鬻子者與錢十數千父子完聚涇縣志
胡學書涇縣庠生好施與周卹族中貧乏鄰有不舉火者與書

數部以易錢米同縣胡榜並胡承璧胡慶祥胡錫麟胡炳麟胡天國胡世洽胡世湯均以好施聞涇縣志

胡世經涇縣人焚券平糶賑粥施棺育嬰又助修覺宮城垣書院義倉義學造北鄉麻源橋下坊義渡在大通鎮創設同仁堂

救生局涇縣志

洪維寬涇縣人修城垣學宮創涇川書院建義學治境內道路捐設銅陵同仁局涇縣志

胡寶仁涇縣庠生捐助涇川書院又輸府城費三百金涇縣志

查德烜涇縣監生捐獅山書院百金建支祠輸錢六百緡涇縣志

查大烈涇縣人嘗焚積券數千金在蕪湖先後捐賑銀五百兩在族捐資團練又出錢米以濟里人涇縣志

查崇信涇縣監生捐東壩壩費練費四百金在蕪湖出百金助

救生局置義冢散棉衣歲款捐賑涇縣志

查銜涇縣監生客濡須鎮水漲壩傾捐金數千捍衛倡造板子

磯救生船并置義冢又查應標查輔仁查佐庭查天植查崇大查永賢查思審查集賢查崇楠查崇銘查崇鑣查思秋並以樂

善好施聞涇縣志

查馨涇縣監生代族人完糧助練費建支祠費二千餘金又造獅山書院學舍捐田於文會捐租於公祠恤孤寡賙貧乏修路

施茶皆無吝色客繁昌三山鎮捐穀二百餘石助賑涇縣志

查崇拔涇縣監生歲款捐賑又捐助家塾賓興倡修祖祠不惜巨費涇縣志

查德邦涇縣人捐錢千緡於祖祠又倡建支祠并捐田以作祀費又監生包鍾岳倡捐建祠未竟子有勳成之并修學宮武廟

涇縣志

查冠羣涇縣監生修村口大路及獅子山棧道並建石橋捐千

金助練築狼阮寨又費四百餘金

涇縣志

查崇禧涇縣監生客無為州六遇水災厚給圩人錢米在含山

修路建橋又嘗焚積券數千金同縣吳如在潁州捐三百金助

賑

涇縣志

查之璧涇縣監生縣學宮牆捐資獨修歲歛賑濟六百餘戶捐

五百金入籌備公局又在當塗伏龍橋散衣穀活人無數

涇縣志

汪德和甯國人在蕪湖倡捐救生局一力經理每歲全活多人

甯國縣志

鮑全德甯國附貢捐兵餉八千金凡善舉無不仗助

甯國縣志

徐源裕甯國諸生鬻產以建宗祠及造竹峯渡

甯國縣志

甯國西鄉某衣食不給幼子負薪得遺金百兩某揭帖招遷之

虞生周文吉慕其義厚餽之亦不受

甯國縣志

汪鼎潮旌德人潛心理學讀書行善族建支祠輸二千金又以

萬金助姪

旌德縣志

汪志仁旌德人每歲歛出千金賑饑藏書積四十餘萬卷築樓

四間皆充棟焉

旌德縣志

汪君體旌德人輸三千金助修城垣族建宗祠及施構掩骨俱

慨捐千金

旌德縣志

汪期蓮旌德人建武廟造魁星閣及助宗祠支祠各文會費萬

金又置義冢瘞暴骨一千四百餘具

旌德縣志

汪士茂旌德人嘗與族人置義冢二所又於繁邑獨置一所遇

貧窮加意拯卹借人資書於籍不取其券疾篤屬其子取籍焚

之約數千金同邑劉體璜亦有焚券事旌德縣志

汪祖果旌德人置義冢掩暴骨獨修孫村至德山路五里及村後路百餘丈王高福亦獨修東固橋至十五都路十餘里旌德縣志

汪應稷旌德監生輸千金創立義倉助文會田十餘畝旌德縣志

汪致福旌德人候選同知在當塗賑災數千金在籍輸五百金平糶每歲暮必以數百金濟窮乏旌德縣志

朱琳旌德人獨修甯國府南樓於本邑獨建節孝祠捐房租為歲修費旌陽書院久圯復獨營造又捐田六百畝市房四所入

臯陽書院學宮城垣俱輸多金旌德縣志朱德梁旌德監生修學宮學署費七白金輸千金助修城垣他

造橋修路事甚夥旌德縣志方甸旌德廩生父病侍湯藥至廢寢食修荷花塘至仙源路費

五百金歲款捐米千石族有集賢文會久廢助膏火田畝興起之旌德縣志

方遇旌德監生歲款出穀減糶獨修百路圍至丁家嶺路四里瘞暴骨二百餘具旌德縣志

方一萬旌德人遺存公項以備義舉裔孫等捐修城垣及書院二千金并置義冢四所旌德縣志

胡國理太平監生成豐中在漢口資送鄉人避難者數千又修祠宇葬遺骸續絕嗣室貧鰥出千金修通徽州太平路十數里

刊法戒集體驗集先正格言太平縣志胡近榮太平人候選同知府修城垣及書院縣修學宮義學試

院及普仁橋皆捐資太平縣志崔頰太平監生手鈔朱子小學置懷袖中暇卽翻閱在三折嶺

拾遺金待還其人又監生蘇奎光拾遺金五十兩候其人還之

焚父時借券

太平縣志

張學沛太平人候選州同輸五百金倡修仰山橋邑修學宮試

院及忠烈祠皆捐資又獨修牛婆院路

太平縣志

崔學忠太平人捐腴田十餘畝創立義倉積至歲穀數百石遇

災賑濟全活無算族人祀之

太平縣志

崔堃太平監生羊棧嶺下路為通省孔道捐五百金修之鐵甲

白沙宏潭諸路各捐百金又捐六百金於蕪湖大通兩救生局

太平縣志

崔煥文太平監生族有體仁水龍各會俱捐重貲又散給難民

錢米半年

太平縣志

崔志亨太平監生嘗出千金為族中掃墓讀書費鄉鄰有被難

者密給錢米親戚不能自存者按月伙助賑粥以救歉歲散米

炭以卹難民建廟修路合藥施茶助教生局費置青山義地皆

捐鉅資

太平縣志

崔駿太平人布理間謁選入都遇劉虎文者病窘初不識脫贈

百金遇歉歲出穀減糶竭力周恤親故置義冢造橋施棺

太平縣志

崔國樹太平人負擔為業手輯支譜二十餘年始成好義者助

資刊之咸豐中負譜避賊遇害

太平縣志

崔炳太平監生嘗以二千金分給兩弟體仁潛德會及蕪邑救

生局皆捐重資

太平縣志

湯壽宣城諸生妻耿氏事姑篤孝耿卒有子壽遂不再娶

宣城縣志

張振謨南陵人年三十喪妻不復娶五世同堂壽八十六卒

南陵縣志

重修安海通志 卷三十四
張繼龍涇縣人少孤貧創業任弟自擇邑設團練捐三百金涇縣志

張善培涇縣人施棺濟貧費近千金修盛家塘橋築郡城南垣二十丈歲歉賑米千八百石助軍餉千金又重修學官泮池石欄涇縣志

張可煊涇縣人捐錢六百緡掩埋枯骨倡興家塾文會助軍需倡團練守城積勞而卒弟可盈可盛可盟及張希志張希杰張守傑張守著並有出穀賑饑事涇縣志

張廷佐涇縣人創建族中義倉興文會輸郡東惠濟橋數千金又精醫施藥涇縣志

張瑞清涇縣人藩經歷銜古樓北爲微甯要道獨捐千金修路五里又捐餉費二千金涇縣志

趙鍾美涇縣貢生輸資修城垣書院捐穀四百石助賑又趙桂

燧趙校趙同展趙同書並以樂善好施聞涇縣志

趙良哲涇縣監生歲禮以四百金卹族里復置田建豫大堂以

濟親支次子耀里於歲歉捐穀七百石涇縣志

趙祖貴涇縣人家故貧財產皆手殖以分諸姪無私凡捐修覺

宮文昌閣城垣書院以及軍需倉穀約數千金悉歸善父兄不

自名從兄弟早世爲置產立嗣友老無嗣贈金買妾生子友卒

養孤孀十餘年涇縣志

鳳淡鳳名顯鳳慶鳳超羣鳳承寵鳳儀廷俱涇縣人並散粟賑

荒淡慶又倡捐文會名顯又有焚券事涇縣志

胡廷相涇縣人誼篤周親族人賴以舉火者數十家銅陵同仁

局漢陽自新敦本同善三堂及琴川書院皆有捐助又本邑覺

宮講舍城垣義倉義學廷相皆輸資同族胡先例胡世補亦捐金俱各以千計世補又有散米焚券事涇縣志

胡澤四涇縣監生少孤貧採樵服賈漸裕嘗於大宗祠支祠各捐千金置產積穀備荒涇縣志

胡啟南涇縣人布理問衙捐練費軍餉築寨共二千三百金又沈長生助八百餘金胡元坤亦捐三百金助餉涇縣志

吳鴻冊涇縣貢生捐家廟祭費錢六千緡涇縣志吳世盛涇縣人官中書科中書水災在貴池青陽當塗蕪湖繁昌等縣捐賑出力又於蕪邑救生局捐助田畝涇縣志

吳承鏤涇縣監生縣甘露菴至花林等處路三十餘里倡捐二千餘金修葺並建憩亭又修葛家隴古墓數十處涇縣志

吳因禮涇縣監生承父志捐金二千建村口石橋並邊山溪口

橋路又吳因材獨力築堰濬治水道溉田數百頃涇縣志吳大知涇縣人布經歷修葺連溪橋路捐四百餘金倡造隄堰涇縣志

吳魯珍涇縣人捐金三百修琴溪橋又置家廟祭田十畝涇縣志萬宗燠涇縣監生捐建祖祠賑濟凶荒吳城火災客貨多被焚

不克歸宗燠出金三百分與之涇縣志朱崑涇縣監生少孤貧質漢陽稍裕為族閒捐義倉興文會設

嬰堂助祀產共捐一千餘金又朱安鸞朱慎修朱煒朱著朱菁

朱廷魁朱材並以樂善好施聞涇縣志朱永煜涇縣貢生見商人覆舟貨沈將自盡贈資遣歸又見負

債鬻妻者予金得完又翟其相見歲荒鬻婦者代為贖之涇縣志朱宗靡涇縣監生周濟近族百餘人歲以為常代從叔償人金

得息訟捐三百金設師範堂於蕪湖置田三百餘畝助會試公車之費涇縣志

朱春元涇縣人府學官傾圯獨力修理村人告貸悉仗助之歲暮有老嫗求借適缺乏無以應脫裘以贈之涇縣志

朱相涇縣人設樹德堂義學每歲暮必得數百金贈寒士辛丑大雪凍餒者不能出為粥戶散之涇縣志

朱一昂涇縣人贛州張染工負逋將鬻子婦以償還其券并仗助之又捐助里中文會節孝祠章門義冢大通救生局涇縣志

江洪家旌德監生遇歉平糶前後費八百金箬嶺為旌歛孔道出五千金修之又費五百金置烏山義冢旌德志

江秉謙旌德人登江村至廟首路費六千金修城平糶置義冢息爭周急俱不惜費旌德志

郭其珍旌德貢生獨修鳧濱橋板壁頭跳仙橋各路歲款平糶

倡立豫豐倉旌德志

郭良璧旌德人州同銜建梯雲會課族人存千四百金為膏火費助平糶修道路皆不惜資旌德志

許本週旌德人建義學助平糶置義冢二所瘞暴骨數百具旌德志

舒秀水旌德人理問銜幼貧居積萬金分給諸弟歲饑命子玉麟捐數百金運米平糶並倡捐以救避賊難民全活甚眾旌德志

王宗錡旌德監生兄弟六人父以孫輩多令其分箸後多中落錡復聚合總家政三十八年人無閒言又置房產為祭祀讀書之費旌德志

戴樹棠旌德人貿易揚州邑人來避難者給衣食借資本助牛

種又偕族人置義冢埋暴骨四百餘具旌德縣志

呂俊三旌德監生獨修城西南垣費千八百金濬官溝及修西

嶺路又費千金旌德縣志

呂和淵旌德人助徽甯軍餉各二千金捐百金修甯郡考棚立

社倉助文會置義冢平道路修祠建橋又遇災賑濟歲暮施錢

米棉衣旌德縣志

呂成校旌德人貿易揚州鄉人旅困者必竭力周卹晚年回籍

出五百金築村中隄以護田畝旌德縣志

王含璋太平人州同兩建祖祠倡修學宮出錢千貫為書院膏

火置租五十石為族中文會又輸貢院百金太平縣志

項廷偉太平人州同捐修山門嶺八十餘丈輸宗祠田三十畝

冬給棉衣歲荒平糶贍族太平縣志

王祥祀太平人從九品族建宗祠捐二千餘金在和悅洲命子

昭靖籌給避難族人錢米三年又王鏐亦以父命在和悅洲濟

避難族人太平縣志

蘇采三太平人同弟玉衡捐修鷓鴣嶺路千金又運判銜蘇致

美捐修必吉嶺路千五百金監生蘇元貴捐修泥田嶺路五百

金監生杜以晉捐修九華嶺路千金監生杜鈞枝捐修卓村水

口路千金太平縣志

杜寅太平附貢輸義倉千金子炳監生捐千金置田給族耆胙

太平縣志

杜天衢太平監生修蜈蚣嶺路置享堂助鄉試川費共捐千餘

金又監生杜廷翰捐千金置田為族人鄉試費太平縣志

項爾霖太平人州同族建義倉邑造仰山橋各輸千金學宮書

院皆有捐助

太平縣志

項凌雲太平貢生修桃嶺路六十餘丈明族人造黃田渡修玉

霏義學其費千金

太平縣志

項衢太平人修雁潭嶺石路三里獨建銅關橋又項彭年贊蘆

兒嶺石路數十丈

太平縣志

項殿升太平武生倡造雁潭渡舟修陡步石路八十餘丈有鬻

妻者出金贖之

太平縣志

孫茂春太平監生祖遺產業悉讓與姪建義倉修橋路捐金不

吝

太平縣志

李春和太平貢生代族人完通賦同弟季和修石路費二千餘

金

太平縣志

方得安太平人同知銜貿易荆沙邑人避難來沙者千計捐給

錢米留店中飲食者常百餘人監生孫逢吉附貢孫逢庚在漢

口鎮亦如之

太平縣志

譚冠英太平監生客楚南邑人來避難者無不周卹後同里捐

埋暴骨百八十餘棺修祠建橋皆倡捐為之

太平縣志

譚桂元太平人從九品捐千金建義倉遇水旱災輒賑代族人

完通賦七百餘金焚借券

太平縣志

譚欽太平監生族建支祠獨出鉅費興義倉置祭田葬親戚浮

觀四十餘具

太平縣志

趙垣太平廩生邑修學宮試院義學共捐千三百金又捐三百

金為團練費

太平縣志

張淑起太平人邑建學宮淑起有屋值千金捐入之州同黃士

蜚貢生黃景憲各捐千金州同張學淦捐五百金又捐三百金

助修仰山石橋費太平縣志

曹萬鍾涇縣人凡造祠廟橋路皆樂輸歲歛有逋負賣妻者解

囊助之涇縣志

翟樹滋涇縣人族建文星閣關帝廟獨捐千金歲旱輸穀二千

石官甘肅礮伯知縣調中衛詳請豁免坍地虛科捐廉造通濟

洞以息水患涇縣志

翟善浩涇縣人候選從九品歲荒在宣城捐資助賑又捐田九

十五畝入祠為祭胙費弟永測妻萬氏遵夫遺言輸錢五百緡

為小試卷資又翟英特翟守祺翟一倫一基一橫一煌翟國賓

均以義行聞涇縣志

蕭四海涇縣監生邑建洪干橋助田數十畝又捐數百金為宗

祠祭費涇縣志

鄭元基涇縣人焚積券千餘金殯無資者輒施棺木涇縣志

鄭元衡涇縣庠生有孀婦將鬻子女償債者為之代還冬夏施

茶炭歲歛施粥又衛善樂有賑金完人夫婦事涇縣志

鄭鳴皋涇縣監生同族人庠生浩然監生逢源修明倫堂費千

金書院橋渡皆有輸助涇縣志

左翼涇縣人捐二千金修學宮及名宦祠助豐備倉穀四百餘

石水災賑濟復捐錢千餘緡散給宗族歲旱糧梗獨辦軍米數

百石涇縣志

左德基涇縣監生歲歛疊捐穀一千五百餘石又捐助倉穀六

百金涇縣志

汪浩潮涇縣人歲歛出粟二千餘石賑濟涇縣志

汪經焜涇縣監生好以義導人見盜瓜者予以錢使改行後鄰

失牛忽送還卽前日盜瓜者

涇縣志

李時倫吳念祖俱涇縣人並拾遺金還其人又庠生馬合璧監

生胡開基從九趙應鳴均有拾遺還金事

涇縣志

陳渭春涇縣人捐田二十畝入承先堂備荒出錢五百緡買穀

賑濟輸五百金設四都團練局又增生陳輝監生陳春澤陳奏

勳徐廣厚徐啟元徐傳欽徐子倫楊春泉李佩璋張文炳並捐

穀濟荒監生陳繼增陳瑜先陳德積陳兆奎陳耀宗陳德模並

歲歉賑穀團練捐錢兆奎父之才先曾捐田九十畝書屋一所

為合族文會

涇縣志

潘騰盛涇縣人從九品水災勸捐穀數千石濟族修學宮城垣

橋路咸豐初設局籌防先後捐千餘金

涇縣志

馬邦彥涇縣貢生同馬文謙先後各捐賑四百金又各捐文會

百五十金文謙復輸三百金助建文昌閣

涇縣志

馬掄魁馬嘉言俱涇縣人各捐田十餘畝為祠祭費共捐練費

善局千餘金咸豐庚申掄魁出四百餘金嘉言出麥百餘石周

卹族里又馬理華捐文會及練費六百餘金

涇縣志

葉子英旌德監生兄弟幼孤賴母傭值以養年十二請外貿赴

江西十餘年養母外少有所蓄兄不能自立三十猶鰥英為迎

嫂而後自娶族戚避難江西者供給借貸無不周至

旌德縣志

王美旌德監生歲饑捐三百金平糶修祠建橋掩骼

旌德縣志

姚煥文旌德人同知銜嘗修補橋路歲歉兩出倉穀減糶及避

亂外出族人後至者莫不資助

旌德縣志

鄭炳然旌德監生仁厚知醫咸豐初在甯國縣獨設育嬰堂全

活甚眾

旌德縣志

趙世瑛太平人都司銜捐修學宮仰山橋龍門嶺共五千五百

縣志

汪金鏊太平人貿易漢口族人避兵來者悉資助之又同邑人

太平

黃景星等等辦恤難局及助宗戚同籍收葬露骨費五千餘金

縣志

焦際雲太平貢生獨修白茅嶺石嘴頭各路輪團練費三百金

崔培林太平人布理問捐助義倉三百金本村箬嶺譚家橋羊

棧嶺下路皆倡捐修砌

程鉉太平人州同捐數千金建祠同崔姓倡修樵樹下路十餘

里輪田四百畝入蕪湖救生局

程濬太平監生焚借券萬餘金

太平

孫繩武太平監生建永甯橋族興文會輸金二百田十五畝助

之

杜魯賢太平人助施濟堂修水車灣上阮嶺各路費六百餘金

又置田立齒賢堂為養老尊賢之用

王光論太平人布經歷兄弟友愛析產後別與姪輩三千金焚

遺券四萬餘緡

劉用周太平監生捐團練百金又以千金助餉栗樹橋圮捐二

百金倡修之

朱宗潘字蓮堂涇縣人花翎道銜事母至九十餘歲歿而猶毀

弟璵既出嗣矣恆資助以財族子無力延師者建德鄰書舍教

養之兵後田荒購耕牛數百頭俾族人開墾經商於三江兩湖

閩粵各州縣鎮市建育嬰貞節諸堂置義冢造橋道設義渡捐

金自二萬至千數百不等又於本邑建溪橋埋齒八千餘具先後捐軍餉練費命子守謨募勇製械賑濟災荒資給難民共四五萬金同治五年倡修縣學捐千金次年獨修府學費近四萬金督工三載不辭勞瘁卒年八十一光緒元年奉

旨祀鄉賢祠安撫奏案
涇縣志

呂成漪旌德人客亳州受鄉人寄二百金十年無耗邂逅鄉人子還之亳州志

項瀛錫太平附貢設局團練保訓導倡捐米穀全活難民太平縣志

江北美涇縣人祖承鶴父宗瑞俱有義行北美與弟兆定並能承志散穀濟貧出資助葬涇縣志

杜炳太平人家貧授徒有窮苦者不受脩脯鸚鵡嶺路最險仄

炳勸捐督修五載始竣咸豐初鄉里遭粵逆之害炳倡捐百金撫卹又命子作舟糾合二十七姓團勇克復石埭歷戰琉璃嶺苦竹橋等處保衛一方與賊相持八年不懈太平縣志

黃景星太平人捐職道銜道光二十二年邑大雪倡捐賑饑全活甚眾又獨修考棚東西文場費千餘金鳴鳳橋星祖光健所倡建星獨修三次以繼前志太平縣志

焦廷錫太平監生嘗修縣西娘嶺路嶺下有橋為廷錫高祖所獨造并出五百金修之太平縣志

方垣太平人候選按知事嘗捐三百金同黃景星倡辦團練難民入境者復賑濟之邑夾阮路圯獨力捐修又於如皋縣倡建會館置義冢地太平縣志

杜炳烈太平監生父歿哀毀事母孝族有無力婚葬者助之避

亂來鄉者給其柴米子連德亦以讓產樂施聞太平縣續冊

汪肇封太平人州同敬事嫠嫂撫諸孤為之婚娶漢鎮有太邑

義冢封為編立字號歸葬者稱便又有倡捐會館及族中文會

義倉諸善舉子敦煥監生能踵行之太平縣續冊

黃景星太平人

黃景星太平人

黃景星太平人

重修安徽通志卷二百五十五

人物志 五十五

義行 九

池州府

唐陳什萬青陽人父宮賦景雲二年官觀察什萬家居好義天

寶六載出穀萬石濟荒詔旌為義民今所居村有義民亭遺址

池州府志 青陽縣志

江迪湖青陽人天寶十四載歲饑出粟萬斛賑濟事聞詔旌其

門池州府志 青陽縣志

宋羅什萬青陽人家饒而好義寶元二年募民入粟實邊羅以

粟十萬斛進救旌其門青陽縣志

沈仲傑青陽人寶元閒出粟賑饑邑令裴以事申請有旨令親

詣其門作太和亭以旌焉青陽縣志

甯達文青陽人居陵陽鎮元豐間大水里中漂溺者千餘家達

文出粟五千石以賑事聞敕獎里人立祠陵陽祀之江南通志

葉梓字元材貴池人佐其父營以力田致富弟權字元立亦能

助其兄經營一切俱善治家不得妄費衣食自一錢以上必均

三世二百人四十餘室不別盤案而飯者百年有餘以頌親友

之乏賑鄰里之貧餓一鄉稱善人長者弟楠森同時為鄉貢進

士而楠及進士第一門之內無異好皆如一人葉適水心集

袁洪順青陽人寶慶三年大祲與伯兄進士洪寬仲兄洪廣共

輸粟數千石賑饑有司題請得旌

國朝雍正元年

賜祀忠義祠

青陽縣志

卷一百五十五

元何清甫青陽人大德七年歲饑出粟二千石助賑詔旌其門

江南通志

何子和青陽人世居仙隱山後遷坊市南門歲饑出粟周賑一

方今其巷曰仙隱巷坊曰仙隱坊青陽縣志

明桂元卿石埭人元季之亂有段指揮者率兵駐邑獲賊則聽

其誣指以為利有兄弟三人被誣非賄不釋元卿罄其所有僅

可匄二命妻李氏出釵助之由是三人皆免池州府志

胡功孫青陽人少喪父母貧無以斂同里羅勝二為之殯功孫

感其恩遂依於羅氏洪武初勝二為里長辦糧以違限應論法

功孫代之任其延遲之罪以死今羅氏世祠祀之青陽縣志

徐文忠青陽人嘗獨建永堅東陽二橋遺趾尙存青陽縣志

李積蕙貴池人正統十一年出穀二千餘石備賑有司上其事

重修安徽通志

卷一百五十五

人物志

義行

池州府

旌為義民池州府志

馬如騏貴池人天順閒與弟如隆各出粟五百石以賑不受冠

帶同邑李清孫俊杜玉珍成化閒皆輸粟五百石以賑賜七品

冠帶池州府志

胡浩源貴池人成化二年過銅陵見歲荒運米五百石往賑賜

冠帶辭不受旌其門曰尚義子綱迪俱有父風嘗拾遺金訪其

人還之同時青陽方志高亦捐穀千石賑銅邑饑池州府志

章禧遠青陽人正統閒出穀二千石賑饑旌為義民同邑李環

山亦是年出穀三百石助賑又有鬻妻償債者為給資以免之

國朝乾隆二十二年詳請入祠池州府志

柯原民青陽人洪熙中祭酒李文毅以直言忤旨廷杖幾斃原

民匍匐救歸義聲著都下

國朝乾隆元年詳請入祠池州府志

章伯通青陽人成化中出粟九百斛備賑同邑江鉦出粟五百

石備賑章叔仁捐穀千石備賑俱賜七品冠帶池州府志

陳有讓青陽人成化宏治閒屢施穀賑饑賜七品冠帶青陽縣志

方俊青陽人成化閒捐穀千石助賑同邑程瑗宏治初捐穀千

五百石助賑青陽縣志

余志貴銅陵人宣德中與弟志英志高同建大成殿志貴又獨

建池郡明倫堂朱子祠祀鄉賢池州府志

楊時遇石埭人正統閒出穀一千五百石助賑同時方守仁出

穀二千五百石助賑

國朝乾隆二十一年

旌表建坊池州府志

重修安徵通志

卷三百五十五

人物志

義行

三

池州府

蘇遜三石埭人成化閒散粟千餘石助賑後又捐粟八百石不受冠帶池州府志

蘇注石埭人嘉靖閒出穀二千五百石助賑旌為義民池州府志

屈承德建德人正統閒出穀二千石備賑同邑黃學通正德閒

出穀三千石備賑金鉉嘉靖閒出穀二千石備賑檀萃出穀五

百石備賑王道顯出穀八百五十石備賑並旌為義民又姚添

出穀數千石以賑辭不受旌池州府志

鄭正榮建德人歲歉出穀五千石助賑貴池銅陵建德東流四

邑給冠帶旌其門池州府志

方燦青陽人正德閒捐穀千石助賑同邑張效及貴池汪潔皆

以出粟輸金助賑賜冠帶旌門青陽縣志

袁國光青陽人嘗於新安旅次拾遺金俟其人還之又娶妾知

為故家女郎召其父還之江南通志

劉裕貴池人建橋以濟行旅施棺以惠枯朽嘗一日經渡口拾

遺金一橐俟其人還之池州府志

蘇溥石埭人嘗於陵陽寺得遺金守二日還之同邑李用質於

道中獲一遺橐內一檄及楮帛千餘緡坐道傍守二日俟其人

還之

國朝乾隆二十一年

旌表建坊池州府志

檀岳建德人嘗於黃泥岡拾廣信解戶孫德遺官銀三百兩驗

實還之孫為建還金亭同邑王之鼎諸生金魚皆以還遺金見

稱池州府志

徐廷極建德人道拾遺金俟而還之後又得遺無所還即以散

重修安徽通志 卷三十三 人物志 義行 池州府

給旬人又嘗拒鄰婦於夜讓美產於兄樂善不倦建德縣志

王致祐青陽人嘉靖閒出粟五百石賑饑又出穀六百石以濟

困急捐田數十畝以供丁費同邑鮑東萬歷閒出穀五百石助

賑青陽縣志

謝克遜青陽人正德嘉靖閒屢出穀賑饑計七百餘石同邑章

世貞修橋路置義冢費皆以千計又方校嘉靖閒捐千金修郡

學吳文元萬歷閒捐穀數百石以賑青陽縣志

王棟銅陵人邑中有大工役如建尊經閣修學宮濬玉帶河等

棟皆任之至掩骼施棺賑貧恤疾歲以為常萬歷閒頻年大水

粟金走千里糴穀運歸以賑人皆德之銅陵縣志

袁泰銅陵人歲歛捐千金以賑嘗重建明倫堂至修橋砌路恤

貧焚券歲以為常又因赴試聞哭聲詢知鬻妻還債遂傾囊贈

而全之銅陵縣志

曹大統貴池人流賊躡池請行團練法募丁壯禦之眾賴以保

賊所掠婦女輒贖還其夫家歲荒助賑施衣置楫及病革檢數

千金券還人而歿池州府志

卽大徵貴池人左兵駐池兵備程世昌欲犒師而難於將命者

大徵請行因說良玉退師既又欲屯東流復以俳語說之曰將

軍不世之業不可付之東流良玉遂率師出境錄功授遊擊不

受江南通志池州府志

章一守貴池人有貸其金者偶過其家其人疑索負漫言曰將

還矣既而見眾共至詰之乃將鬻妻以償諸負來者媒氏并索

負者也一守大驚卽解橐代償而返又里有窶人山居盜過其

舍強之歛後盜敗株連為力辨脫之池州府志

何大廉青陽人夜見一婦抱子投井救而詰之乃知為夫累稅繫獄變產數十金完納而遺於路計無復之矣大廉本貧將妻妝奩變換代完青陽縣志

陳明璵青陽人萬厯閒出穀四百石助賑同邑貢生汪世臣崇禎閒捐穀數百石備賑授冠帶青陽縣志

董卓祥青陽人崇禎閒捐穀千石助賑又捐金數千兩修學創建宗祠青陽縣志

王之璘青陽副貢布政使一槓子明季以賢良薦親老不赴設義田建義塾捐穀助賑鄉鄰德之左兵南下罄家財募壯士嬰城固守城賴以全又太學生甯三晉與同里陳懋詣率鄉勇守禦保全一鄉又嘗散穀施粥置棺構建義冢江南通志 青陽縣志

王正繩青陽人歲連饑每出穀數百石以賑

國朝乾隆六年

旌表建坊池州府志

陳其恭銅陵人邑東北仁豐三圩向無堤岸江水內灌悉為巨浸崇禎十一年其恭同弟其葵捐資買繁昌縣民地為隄陟創築隄四百餘丈三年訖功圩無水患至今居民祀田祖必頒胙於其家江南通志

章福石埭傭人子身無妻子日得傭米積之至歲杪轉赴河埠閒擊小鐘呼貧者聽自取盡乃歸歲以為常垂老不倦後入華山莫知所終石埭縣志

曹輔恭石埭人年四十無子客遊青陽道拾遺金守之不去少頃有嫠婦攜子哭而至乃變物以償債者也舉以還之明年得一子石埭縣志

國朝姜南金貴池諸生順治閒歲饑首倡平糶作隨分言以勸族

人眾皆樂輸他族皆效之是歲饑而不害貴池縣志

章如玉貴池人幼孤事祖母至孝歲饑捐穀數百石以賑又製

絮衣置棺槨以給寒與不能斂者葺橋梁治道路歲以為常池州府志

曹大仲貴池人明季流寇徧境出千金為倡募壯旅守要害同

里以全歲歉糶米西江以濟糶又就道設糜食老疾之不能受

粟者至助婚喪賙匱乏歲以為常其妻吳氏避寇母家置有田

宅寇平而歸盡推於其族戚之貧者池州府志

沈見大石埭人孝友仗義治津途置義冢焚通券歲歉市米數

千斛助賑沈壽民為之傳池州府志

蘇際颺石埭人順治初首倡捐穀賑饑邑有石池渡為徽浙孔

道行者病涉際颺審其形勢出資倡建一橋名允濟至今頌之

池州府志

陳大懷石埭人貧無立錫十餘歲時道拾遺金三十兩坐守其

人還之後以服賈稍裕嘗買一婢詰之知其有夫即遣歸不責

值同邑章世中嘗拾遺金兩次並候而還之池州府志

姜大望青陽人嘗置妾詢知有夫即夜遣還又捐資獨建杜村

石橋青陽縣志

陳良象青陽人客淮上同寓盧姓者素不相識病革以百金屬

代藏及卒訪其家還之青陽縣志

姜邁先青陽人嘗遊京邸拾楚客遺金追而還之同邑王應瑞

宿金陵南關拾汪姓遺金追數十里還之又陳伸元陳當仁謝

徐元亮青陽人家素貧嘗拾崔姓遺金并人參盡舉而還之池州府志

童士元建德人嘗過徽嶺拾遺金五十兩守其人還之篤於宗族葬高祖以下十餘喪其他捐資修學解紛息訟善行不可勝

紀池州府志

歐陽輅建德人事母孝曾兩次拾遺金並給還原主同邑徐溶

家極貧得遺金訪其人還之後稍裕遇邑中義舉必竭力襄助

又姚元武亦還遺金池州府志建德縣志

陳國甲字元及貴池庠貢授州同知父病五載奉侍不懈撫弟

遺孤愛如己出康熙戊子己丑間饑疫頻仍賑粟施藥全活甚

眾居常飲喪助婚建橋築隄俱竭力從事乾隆九年

旌表建坊江南通志池州府志

陳尙元青陽人年十四父病日夜號泣奉侍不懈嘗路拾遺金四十兩守其人還之池州府志

俞錦鉉銅陵人康熙十年三十三年旱皆煮粥以賑全活甚多

又改建新河口石橋重建文昌閣創紫陽書院累費數千餘金

其他善行不可勝舉池州府志銅陵縣志

章之盛銅陵人康熙閒重建學宮敬一亭子爍歲貢踵成之爍

又創築新溝石橋置大江渡船設葉山亭施茶子孫遵守弗替

池州府志銅陵縣志

邵魁銅陵貢生康熙閒在都贖取銅陵會館邑公車北上者至

今賴之又置贍族義田獨捐順安鎮犁橋鎮兩處社倉基址其

他捐米助賑買穀濟貧一切不可勝紀池州府志銅陵縣志

周士貴銅陵諸生邑之洋湖瀕順安大河向無隄塍湖田數千

畝水漲皆沒士貴獨建隄閘以備蓄洩邑人利賴又歲災捐穀

助賑疫施藥歿施棺義事甚眾池州府志 銅陵縣志

朱良珍銅陵貢生重修邑志獨任其費至如建覺門造橋設渡

給絮賑貧諸義舉行之至老不倦銅陵縣志

徐莖東流人授職州同知父鼎儀以好善著於鄉莖繼其志府

治九華門外興濟橋青雲隄歲久傾塌莖獨任其費至六千餘

金其他修學治橋砌路築隄諸善舉不下十餘處池州府志

周士信東流人嘗置雙河義渡並捐田給舟子為經久計邑中

以形家言議建天然塔而費不給時士信已卒其妻陳承夫志

慨然獨任並創建天然書院置田畝以資膏火事聞議敘官其

孫鵬飛渾源州吏目池州府志

吳徵錢東流人友愛兄弟惠撫諸姪調濟族黨捐修石橋六座

砌石路五十餘里費俱千金池州府志

張芳新貴池人康熙戊子歲歉捐穀五百石助賑人稱其義池州府志

張惠美銅陵人嘗捐資置學宮几筵祭器康熙閒水災獨力賑

粥數月邑人賴之銅陵縣志

章雲遠銅陵人嘗獨力建五松書院器用備具至請豁浮課代

表節孝焚券恤貧尤多義概銅陵縣志

章培義銅陵人候補州判獨建

萬壽官府學大成門易蓋學宮銅瓦兼置禮樂祭器修名宦鄉賢諸

祠其他設渡建亭修橋砌路義行尤多銅陵縣志

是星斗銅陵人邑長龍山當四方之衝嘗捐數百金創築亭宇

於其上歲時烹茶以濟行旅人共德之銅陵縣志

方立字掄先貴池人孝孀母友兄弟睦族黨歲歉買穀千石半價以售穀盡復買麥二百石以繼族中貧乏者咸得資助不致

播遷池州府志

方之鈞貴池諸生歲饑輸穀數百石倡首全活無算孫春長遇歲饑能嗣其志亦捐米助賑施棺施衣食以為常貴池縣志

陳治策青陽庠生事親孝兄弟友愛好施予歲歉嘗捐穀三百

石以賑饑青陽縣志

賀成佐青陽人性寬厚善排解歲歉助賑千金青陽縣志

徐狝青陽歲貢官儀徵訓導解組後輸田五十餘畝為修學宮

費輸田七十畝為義莊以贍族之貧者又邑有公舉如建文昌

閣崇聖祠皆竭力贊成池州府志

劉必融字明有青陽諸生敦行樂善建鎮華滙源二橋各費千

餘金助田十畝於蓉城書院建文昌閣於郡學戟門左乾隆四

十年子貢生世昌步雲以形家言又移建櫺星門左子孫世修

不替池州府志

劉其發青陽諸生每歲歉捐資助賑又置義田以贍族將歿屬

其子廷勳必修滙源橋廷勳承其志遂捐千餘金成之青陽縣志

張有振石埭人祖國林以好義聞有振承其志乾隆六年捐八

百餘金助賑又捐金修學池州府志

羅徵臣建德諸生素好義捐資修路自羅家山達蜈蚣嶺四十

里又自羅家山達石埭沈阮嶺四十里東達東流洋湖阪十五

里西達低腳嶺三十里又自城東門直抵西門皆以石砌其費

六千餘金其他造橋建亭諸善不可勝紀建德縣志

張尙道建德人同弟諸生尙通捐金修路並砌以石又獨建奎

文閣修學造橋買舟濟渡施棺掩骼製衣贈貧人皆義之建德縣志

倪欽嵩建德人嘗貿易泥關街鄰火被災者數十家艱於豎造

欽嵩不惜重資徧助復安堵如故建德縣志

俞士杰銅陵人與弟士標皆尚義歲歉煮粥以食路人又捐米

千石助賑又減價平糶費千金有奇池州府志

江通濟青陽人歲歉出穀助賑乾隆間嘗欲建義學於鬻宮側

未果子自珊率姪等成之費二千餘金又捐銀五百兩為諸生

膏火大府上其事授自珊主簿職池州府志

劉廷英青陽貢生性好義輸膏火田於蓉城書院歲歉出穀助

賑又輸銀一千二百兩修鎮華匯源二橋青陽縣志

陳霖石埭廩生事繼母孝世父無嗣遺產盡捐入公嘗買婢詢

知其父諸生即為擇配遇歲歉尤多賑助池州府志

孫豐積石埭人性好義尤厚於宗族同族七百餘口自乾隆十

七年起每歲以穀數百石分給二十餘年行之不倦石埭縣志

陳梯雲石埭人乾隆辛未歲歉設廠平糶所費不貲又與叔洪

善捐穀入公助賑石埭縣志

唐懋奎石埭貢生乾隆乙巳捐穀三百石助賑次年又減價平

糶倡建祖廟出八百金襄祀事造橋建亭施棺施衣義舉甚多

石埭縣志

張應牛石埭諸生乾隆丙午嘉慶壬戌平糶散賑各費數百金

至建文昌閣修廟造橋及捐資家廟其費一千數百金人皆義

之石埭縣志

沈廷標石埭人乾隆丙午嘉慶乙亥共輸粟一千一百石助賑

其他如建文昌閣修考棚建凌雲塔諸義舉捐費尤多石埭縣志

儲同華石埭人性孝母疾不解帶者三月乾隆乙巳歲歉鬻產助賑流沙嶺為皖省通道山水衝決以千金修其路又修烏石嶺等處路費數百金義舉甚眾石埭縣志

王騰翼建德人祖尚勛歲以積穀平糶雍正丁未饑往江西買米運歸平糶四月騰翼善承祖志乾隆乙酉庚子歲歉往江西買穀運歸平糶乙巳捐二百金助賑議敘由布政司經歷加一級建德縣志

徐炷光建德人嘗捐千金修高嶺路行者德之石埭縣志張冕祚建德人邑庠生居於堯城其地西北隅受風居民不利冕祚構亭其間徧築石牆周八十七丈高九尺種樹以衛至今永賴乾隆乙巳饑捐金助賑全活甚眾建德縣志

江原璜青陽貢生嘗捐田五十餘畝入公備祭祀考費又石砌

江村路二十餘里并承天巷街道乾隆乙巳歲歉捐多金助賑

巡撫以義重鄉評獎之青陽縣志

章以聖青陽貢生賞捐資建倉前河琵琶橋并修曹店湖路費一

千餘金青陽縣志

孫彰士青陽貢生乾隆乙巳捐粟助賑巡撫獎以義重鄉評扁

額青陽縣志

陳雍青陽諸生嘗焚借券五百餘金乾隆丙午輸穀助賑巡撫

獎以義重鄉評扁額青陽縣志

吳光鬻青陽貢生每歲歉捐穀平糶乾隆乙巳捐穀五百石助

賑青陽縣志

許桂森青陽庠貢歲歉捐銀八百餘兩助賑性喜修造橋路鄉

里稱之青陽縣志

楊士亨青陽諸生嘗助田三十餘畝入公給考費其子善承父

志於嘉慶十九年捐銀六百兩助賑青陽縣志

羅惟源青陽貢生性好義每歲歉出粟賑濟倡建橋廟費至千

餘金不吝青陽縣志

曹士琳銅陵人嘗捐資一千數百金修建圩隄至今賴之銅陵縣志

蔣國政銅陵人每歲歉必輸穀賑濟嘗出巨資建橋築隄其子

踵而行之捐築流潭圩隄壩建永濟大橋及小石橋四築長隄

數百里行旅賴之銅陵縣志

章允升青陽人考授縣丞少孤事母孝乾隆辛未丙子歲歉出

穀各五百餘石以助賑他如建橋濟困義行甚多青陽縣志

曹一嵩青陽貢生乾隆庚申辛未丙子歲歉共捐穀一千五百

石有奇以助賑又建亭修路施棺助喪人俱頌之子如利候補

州佐亦修路施棉獨力修建東溶橋善繼厥志池州府志

王世圭青陽貢生乾隆丙子捐穀三百石助賑施棺修路一切

義行皆力行之青陽縣志

甯岷青陽貢生乾隆癸亥春饑散穀千餘石丙子減價糶米千

餘石同族甯元英例授州判與貢生甯芬亦於癸亥歲各捐穀

六百石助賑青陽縣志

曹必立青陽人嘗捐八百金建關帝廟又助田以供祭祀修石

埭博古橋義行甚多青陽縣志

謝宗譽青陽人性孝友喜修治道路以便行旅乾隆己未癸亥

捐穀三百石助賑又散穀數百石以濟族黨子君榮貢生能承

厥志乙亥丙子連歉散穀助賑人頌世德池州府志

陳聖撰青陽貢生與弟聖典友愛好義樂施乾隆壬申丙子並

出穀助賑平糶修造各處石橋又倡捐五百金建三溪石橋焚

券恤貧義不勝舉

青陽縣志

許國全貴池人候選經歷乾隆辛未歲歉出米七百石平糶丙子歲饑復捐米千餘石散給他如修橋路助喪葬任恤之事甚

多

池州府志

呂曰英貴池人乾隆乙巳歲歉捐三百金以濟族黨有葉姓者

貧將鬻妻英知之周以貲夫婦得全

貴池縣志

章應彭貴池人嘗建亭黎嶺以憩行人且輸田為經久計偶於城南見投水者拯之出問其故知為失金計無所出乃如數與之不告姓名而去同邑曹應忠幼見遺金弗取歲饑為食於路以待餓者又吳元美家極貧嘗拾遺金數十兩還其人

貴池縣志

李咨諷青陽人捐穀濟貧解爭息訟嘗路拾遺金守而還之同

邑陳邦彥亦還遺金嘗買妾詢知有夫即遣歸不索值又吳濟

生柯世福章光恩徐久沈啟文庠生徐遵路皆以還遺金聞

青陽縣志

錢開壽青陽人家極貧傭工度日嘗拾遺金百兩守而還之其

人分以謝不受

青陽縣志

汪世珍青陽人有客同舟分路舟子誤發油一桶內藏白金四百急追還之同邑程九如嘗還遺金有負逋鬻妻者出金全之

池州府志 青陽縣志

金元音東流人嘗拾遺金還其人

池州府志

李洛陽石埭人採樵為業嘗於郵亭拾一囊金守而還之不受

酬同邑諸生陳永獻亦以還遺金聞

石埭縣志

劉紹寬青陽諸生少失怙孝事孀母母歿哀毀骨立嘗捐穀三

百石助賑臨歿屬子孫輸膏火田於蓉城書院又輸學田三十

餘畝為考費貧士賴之

青陽縣志

陳廷珍青陽職監父占春以好義聞廷珍承父志族黨中有不能卒歲者必量予之又出數千金修砌破石白龍二嶺其子亦

克承厥志捐銀五百餘兩賑饑

青陽縣志

謝君錫青陽人嘗建家廟輸田為祭費又買山作義冢乾隆丙子乙巳歲歛捐穀四百石助賑嘉慶甲戌子學詩承父志亦捐

穀二百石助賑

青陽縣志

陳繼祖青陽人與弟秉南皆諸生歲歛捐銀六百兩助賑

青陽縣志

楊士文青陽職監性好義嘗捐田五十餘畝入祠公給考費子佐俊承父志於嘉慶十九年捐銀六百兩賑饑

青陽縣志

楊士奇青陽職監捐田五十餘畝入祠公給考費嘉慶十九年

捐銀六百兩助賑二十五年又捐穀百餘石以給貧乏

青陽縣志

江振聲青陽諸生事父母及繼母以孝聞友愛兄弟嘗出五千金建雙河口石橋并石砌殷家巷路歲歛捐資賑濟復施絮衣

三千領棺木八百具其他義舉不可殫述

青陽縣志

徐廷魁青陽諸生嘗捐金數千兩建安徵通衢萬福橋橋右建亭並輸田亭中為暑月行人茶費

青陽縣志

姜其章貴池人歷任東莞清河二縣典史嘗奉委巡視黃河夜聞婦人泣聲哀問之知其夫名周健出遊無耗家貧姑病是以

悲耳乃給銀一兩以助醫藥明日偽作健書並白銀十兩寄其

家健母得書病頓愈踰月健歸人始喧傳其事

貴池縣志

曹雲昌貴池諸生援例授州同歲歛出金數百以賑鄉鄰戶各三兩又散穀百餘石

貴池縣志

桂士鴻貴池人嘗獨建宗祠置祭產計費五千餘金歲饑必捐

金助賑邑建興濟橋輸五百金以成善舉貴池縣志

胡大志貴池諸生承父遺言置田貯穀以給貧乏歲以為常嘉

慶十九年旱捐穀三百石助賑子光誥光訓道光三年水亦捐

穀數百石助賑貴池縣志

程良佐貴池人邑建新濟橋捐錢千緡助之又輸三千金於秀

山書院以助膏火貴池縣志

何正儀建德人嘗貿易東流見有倉皇求自盡者救之詢其故

則齋金數百為父贖罪擔夫失之計無復出耳正儀傾囊贈之

不告姓名徒手而歸石埭縣志

余善銅陵人家貧有汪呂二商適遠郡寄藏白金二千餘兩突

被火災他無所問獨負二商金出室廬灰燼商至還所寄封識

如故銅陵縣志

倪淑獻建德監生性孝友慷慨好施乾隆五十年奇荒淑獻於

邑捐重資助賑於須江捐米百石建德縣志

張立楫銅陵人年三十妻亡不再娶授徒牧姓館中牆壞得藏

金數百呼牧取之牧願與分立楫不受曰此汝家物也銅陵縣志

聞煌銅陵人候選州同父病侍側三年不少懈孝事繼母乾隆

乙巳捐金六百助賑嘉慶甲戌又捐千餘金以賑族黨義之銅陵縣志

曹炎燮銅陵人道光三年水災捐一千三百餘金以賑他如助

喪葬婚娶施藥給棺建橋修路義行不可勝紀銅陵縣志

胡淵泉銅陵貢生父國祺獨建府學崇聖殿淵泉於嘉慶壬申

復重新之道光乙酉在順鎮倡眾捐資設崇仁局以施濟并置

豐備義倉

銅陵縣志以上舊志

陳寬青陽貢生乾隆五十年賑饑平糶又鮑梓好鮑思齊何若顯何繩吉何繩球甯文濟王國茂羅永泰李任佑均於乾隆時捐穀助賑

青陽縣志以下新修

袁煥青陽監生少孤事母孝長尤好義學宮書院考棚尊經奎星兩閣及文峯案鎖城通濟二橋皆次第修舉歲饑傾資賑濟尚書王懿修為之傳其後江繼先捐田三十畝建鎖城橋閣

青陽縣志

李習書銅陵人族有老廢者贍之終身贖胡城澗石路五百餘

丈

池州府舊志 銅陵縣志

余時雨銅陵人獨建新橋又設工山及新河渡船冬棉夏茶施濟不倦

池州府舊志 銅陵縣志

何若源青陽人拾遺金不昧乾隆乙巳捐資賑饑後有謝子高者拾遺金百兩待三年還其人又賀明相曹安心陳世顯陳恆祝陳聖範吳學清庠生倪庸皆有還人遺金事陳聖範又獨修

青雲橋

青陽縣志

姚世柏建德人家貧拾遺金百兩還其人又朱安穀拾錢券二百緡訪失者還之

建德縣志

孫庭珍青陽監生歲歉出錢數百緡助賑將卒囑子焚券數千金又吳鎮陳錫補陳子學貢生施有文甯修歲貢曹文槐倪家琛俱有焚券事甯修又有讓產與弟之美

青陽縣志

何正吉姚經邦劉文遴俱建德人皆嘗還人借券不責償又張文定徐登庸劉希烈黃世榮均有焚券事

建德縣志

徐成德青陽人嘉慶中歲饑兩次捐金賙卹族鄰橋亭廟宇亦

多助建又監生王文月賑穀六千石貢生王德院賑穀三百石
徐成魁徐榕徐燭吳學昇吳尙謨阮有望增生賀逢昱監生賀
家仁並於嘉慶中各捐穀賑饑青陽縣志

王志江青陽監生七世同居持家五十餘年內外無閒言嘉慶
閒

旌建義行坊青陽縣志

從懷寶青陽監生修小路口金山湖石路費千餘金監生倪六
韜嘉慶中修南河貓兒兩橋費千金又監生王德喜造湧泉石
橋并修路費千餘金青陽縣志
徐承需青陽貢生倡修宗祠建通濟橋重修武廟其費千餘金
道光己酉水災捐穀八十石贍族咸豐初捐金助徽防軍餉同
縣候選同知江在鎔亦於己酉歲賑粥施絮衣數月倡建節孝

祠獨建橫橋石橋青陽縣志

陳理明青陽人州同銜道光甲申歲款助賑子錦英貢生建梅
村橋修破敵嶺白龍嶺路創興義館費二千餘金理問衙陳楨
慶亦於道光甲申兩次捐賑共五百金又捐百金入公培養多
士又陳椽慶陳錦堂陳錦春陳咸賓胡光奎施景星江宗禮牛
士本牛正緒牛學逅胡桃元吳立誠何培謙倪汝賢汪敦彝舉
人甯應祖貢生江沛鏞均於道光閒各捐錢穀賑饑青陽縣志
江周佐青陽人道光十年同弟周俶捐穀千石入豐備倉道光
咸豐閒施鸞輿施世道亦各捐穀入豐備倉倪繼佳徐成瑄捐
穀振濟青陽縣志

陳振玉東流監生道光初修坦埠石橋及湖保坦保石路十餘
里十一年水災煮粥賑饑是年監生章盛熙捐三百金助賑十

三年同弟盛緝賑粥三月又章謁庭亦兩次捐賑施粥東流縣志

周新洛東流增生道光初發穀百餘石賑饑後復遇荒捐施金

粟春貸種助耕秋不取償東流縣志

張思東流監生樂善好施子附貢洪恩監生定中承父志築井

盆松彬石路各數里道光中歲祲捐賑二次東流縣志

胡萬鏞貴池貢生道光中建牙關山下石橋十餘年始成費二

萬餘金倡修紅石潭橋三年始成貴池縣志

洪盛華東流文生道光十一年知縣陳觀理賑水荒造門詢利

弊盛華條對悉嘉納之又嘗收養孤子二人教讀婚配東流縣志

姚君祥銅陵鍛工歲饑有鬻妻者稱貸完聚之池州府舊志

徐準青陽附貢戚某買妾過其家詢知因家貧夫病而嫁即出

金償某勸歸其夫又甯一介代鬻妻者償債完聚代投水者納

租全生青陽縣志

陳嘉謨青陽人獨置池郡試館歲歛捐穀賑饑平糶二次又陳

榮道光咸豐閒歲饑獨賑二次施粥一年亂後贍族養鄰並置

山廩骸又費千餘金宗祠燬輪千金助建子攀桂等成其志青陽縣志

張聚石埭庠生成豐初出三百金給族人為避難之費又貢生

陳道靜賙濟同鄉難民全活甚眾石埭縣志

沈廣颺字欽齋石埭增生秉性正直事關名節者必力爭之鄉

建水口塔及義學皆身任其事孫衍慶官江西賡颺寄楹聯訓

之云人於方寸存清白官在朝廷任去畱衍慶卒以忠節循良

著詒謀力也石埭縣志

檀騰霄貴池監生成豐六年出穀百餘石濟旱南陵人十二口

自賊中逃出貨遣歸之又監生鄭樹聲桂步昌附貢曹標從九曹池川並有平糶賑饑贍族諸義舉監生羅漸達產業僅萬金

施子殆盡貴池縣志

李英集建德監生造路建橋倡首捐助自紅嶺西溪一帶山路險隘募金不足傾囊成之又修低嶺路紫瀾橋龍泉橋諸亭路祠廟所費約數百金子濟元由團練把總立功洊保都司帶建字營保衛池州捐築清溪壩重建福主祠籌備生童院試卷費迭捐銀米助賑并濟難民府縣試院省城書院興修皆有捐助又建月山橋亭行人稱便建德縣志王治純建德人咸豐間捐六白金倡團練復捐一千四百金穀六百石作防堵暨死難家葬埋之費族建宗祠捐錢五百餘緡

建德縣志

汪先慎東流監生咸豐十一年水災施粥兩月又獨修楊家橋

雙鳳橋東流縣志

曹壤字舜五青陽人知府銜知州孝友尚義嘗獨建太平桃阮口石橋於本族置義地於休甯屯溪置義冢共費數千金咸豐中倡捐軍餉五百金歲饑施粥數月又倡捐米石於夥之漁亭給散年餘又知府銜曹廷桂字達材修造橋亭路歲饑施粥三月子英承父志倡捐千金并勸族捐五千金以賑流亡獨建明倫堂收瘞道殣又曹永修獨修太平東冲嶺路咸豐中助軍餉

二百金青陽縣志

張聚奎青陽人客休甯和村青陽逃難者按口給米又與張東玉捐二百餘金資遣而歸又貢生章廷標倡捐三百金在銅陵大通買米給散難民又章道化陳國經陳寶桂陳慶桂陳中仁

吳德榮並於咸豐閒捐濟難民青陽縣志

陳隄青陽人恆貧濟困歲以為常子掄元伊鼎捐米百石安撫

漁亭流亡又入二百金於祁門難民局嗣後賑族米七百石掩

骼千餘具學宮東廡費三百餘金建之又陳攀兩次勸捐賑饑

在漁亭積米四千餘石安集流亡青陽縣志

汪有絹青陽人建惜字爐每日沿村拾字紙焚化久行不懈青陽縣志

鄭自堂建德文生敬惜字紙雖污穢中必拾焚之同邑馮學倫

造送惜字籠朔望親至各村收檢焚化又監生徐祖初出費輸

官請禁私宰耕牛凡數十年監生徐元文喜放生重金不惜監

生汪承柝每冬施棉數百領濟寒文生王燮捐貲勸育嬰戒溺

女刻善書徧送建德縣志

唐樹芳貴池人捐銀千兩錢千緡置書塾又置義租贍族及周

濟貧乏貴池縣志

曹子彬貴池監生捐錢米助餉給鄰人邱又生廬墓資贍其妻

子三年貴池縣志

曹錫田貴池人布理問歲荒賑粥施衣施棺以千金修池州府

新橋又監生陳之炳捐數百金賑饑監生曹向離理問曹敬國

均各三次賑饑敬國復獨修普濟橋貴池縣志

王熾昌貴池貢生好修橋路每歲除施送米炭常以貿易資三

分自用七分濟人因名堂曰三七焉貴池縣志

徐大琳青陽人輸金二百田十畝為贍族之費子四川簡州知

州鳳翔復捐錢千緡踵行之又徐繩祖偕弟望澤共捐田九十

餘畝為士人課試費千總陳萼捐田十八畝以立義倉青陽縣志

江暄字睡山青陽舉人候補郎中施構給棉歲以為常砌許家

灣石路數里又王永恩助錢八百緡創興育嬰堂青陽縣志

周文棟青陽貢生獨建魁山福兒建子諸嶺及古港阪四處涼

亭青陽縣志

張景瑞青陽人捐五百金為賓興費輸田設立義學又張廷弼

輸金三百興立義學修金霞峯下險路費三百餘金青陽縣志

徐熙祖青陽人捐祠費四百金歲歉出粟濟貧乏熙祖之孫文

生鴻鑾亦捐三百金助建家祠青陽縣志

曹小春青陽人同曹福星各出千金修貴池石門嶺路青陽縣志

曹學文青陽人同弟學禮學義合建支祠修屯溪華山寺捐田

施構共費數千金青陽縣志

楊嘉樂石埭人按知事銜置祭田數十畝入祖祠歲歉恆出穀

賑族又捐軍餉練費錢米約數千金又楊茂國同弟茂完捐穀

賑荒監生桂廷敏歲歉賑濟族鄰石埭縣志

楊金印石埭監生道光二十九年水災倡捐平糶咸豐初粵逆

之亂復捐米百石又勸捐穀千石賑濟後遇賊殉難石埭縣志

奚鳴鐘石埭人在京師病劇區畫後事出六百金為修宗祠城

隍橋渡諸費石埭縣志

鄭周愷建德人捐租宗祠為祭費助守貞寡姊租二百石為養

節撫繼費年荒倡捐賑卹又姚維翰黃聯芳王振翥葉明昭戴

梧鄭自職孔昭著均於荒歲出錢穀助賑平糶施粥濟饑建德縣志

姚志建德人乞食所得轉以濟人或以修路建德縣志

劉學祿建德人兩次修復普仙橋先後各費數百金又劉希鈞

兩修韓家橋金家阪橋時疫施棺百具建德縣志

葉兆鍾建德錫工遇債偏投水者贈金活之歲大疫施棺數百具先是李維遠李芳遠倡修雞頭樺根二嶺及是復圮兆鍾重修費二千餘金建德縣志

張儀運建德人官主簿告歸藏書萬卷修城助賑共輸五千金年八十三親見五代著有聽讀軒詩稿建德縣志

胡培東流人捐山田莊於和義局每冬施棉衣金粟及收檢尸骸東流縣志

周炯東流歲貢藏書最富遇水旱出粟賑族獨建祖祠施棺掩骸湖南胡晴雲挈眷避賊至張溪甚貧困炯分屋給糧年餘遣人送歸後賊踞安慶擾東流炯團練保衛并捐餉費二百餘金東流縣志

俞相字澹川貴池文生秉心正直績學能詩池州城北三台墩

是相同姚翔黃雨田所築桂超萬詩集自注

朱鼎王心簡俱銅陵人並年三十失耦義不再娶夏思恬文集銅陵縣志

楊德碩字闇如文生石埭人楊一肫之七世孫樂善好施年三十六喪妻有子四人遂不再娶楊搗藻撰楊一肫石埭縣志行略

吳洪照東流人年三十喪偶有三子義不再娶東流縣志

唐執中貴池廩生工書能文性至孝父病疽衣不解帶者月餘醫藥均窮默禱身代疾得愈咸豐癸丑父卒殯於堂適髮逆竄境執中守棺不去後以傾貲辦團家中落課徒積館穀二百金盡以贖同里被脅難民尤為難得采訪續冊

